



Nezavisna komisija za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije
i druge mjere koje je izrekao u krivičnom postupku Sud Bosne i Hercegovine,
strani sudovi za djela predviđena Krivičnim zakonom Bosne i Hercegovine
ili međunarodnim ugovorom čiji je potpisnik Bosna i Hercegovina
ili drugi sud u skladu sa zakonom Bosne i Hercegovine

Broj: 05/6-50-15-27-59-3/20

Sarajevo, 3. 12. 2020.

ZAPISNIK

**59. sjednice Nezavisne komisije za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije i
druge mjere koje je izrekao u krivičnom postupku Sud Bosne i Hercegovine, strani
sudovi za djela predviđena Krivičnim zakonom Bosne i Hercegovine ili međunarodnim
ugovorom čija je potpisnica Bosna i Hercegovina ili drugi sud u skladu sa zakonom
Bosne i Hercegovine (u daljnjem tekstu: Nezavisna komisija)**

Sjednica je održana u Sarajevu, 3. 12. 2020, s početkom u 17 sati.

PRISUTNI ČLANOVI NEZAVISNE KOMISIJE: Mile Lasić, predsjednik
Nezavisne komisije, Azra Alajbegović, prva zamjenica predsjednika, Brana Spasojević,
druga zamjenica predsjednika, Aleksandar Faladžić i Vedad Gurda, članovi.

OSTALI PRISUTNI: Ivana Lovrić, koja obavlja poslove sekretara Nezavisne
komisije.

Sjednicu je sazvao Mile Lasić, predsjednik Nezavisne komisije. Nakon što je
konstatirao da postoji kvorum, otvorio je 59. sjednicu.

Prije usvajanja dnevnog reda predsjednik Nezavisne komisije Mile Lasić predložio je
dopunu dnevnog reda, i to dopuna tačke 6. podtačkom b) „*Donošenje Odluke o održavanju
online sjednica Nezavisne komisije*“

Ovaj prijedlog usvojen je jednoglasno.

Nakon što je usvojen prijedlog za dopunu dnevnog reda, predsjednik Nezavisne komisije Mile Lasić konstatirao je da sjednica ima sljedeći

D N E V N I R E D

1. Usvajanje Zapisnika 58. sjednice Nezavisne komisije;
2. Razmatranje Prijedloga Plana rada Nezavisne komisije za 2021. godinu;
3. Razmatranje Predstavke zatvorenika Kazneno-popravnog zavoda Zenica, broj: 05/6-50-17-2232/20 od 18.11.2020. godine;
4. Informacija o postupanju po predstavkama pristiglih od Zajedničke komisije za ljudska prava Parlamentarne skupštine BiH;
5. Informacija Ministarstva pravde BiH, broj: 07-50-8005/20 od 18.11.2020. a zaprimljena u Pisarnici Parlamentarne skupštine BiH 20.11.2020. broj: 05/6-50-15-27-58-6/20;
6. Tekuća pitanja
 - a) Plan aktivnosti za januar 2021. godine;
 - b) Donošenje Odluke o održavanju sjednica Nezavisne komisije on-line

Ad. 1. Usvajanje Zapisnika 58. sjednice Nezavisne komisije

Zapisnik 58. sjednice Nezavisne komisije usvojen je jednoglasno, bez primjedbi.

Ad. 2. Razmatranje Prijedloga plana rada Nezavisne komisije za 2021. godinu

U uvodu u ovu tačku dnevnog reda, predsjednik Nezavisne komisije Mile Lasić istakao je da je, u skladu s članom 11. tačka c) Poslovnika o radu Nezavisne komisije, pripremljen Prijedlog plana rada Nezavisne komisije za 2021. godinu te otvorio raspravu. Nakon rasprave i detaljnog razmatranja, članovi Nezavisne komisije su jednoglasno usvojili Plan rada Nezavisne komisije za 2021. godinu.

Ad. 3. Razmatranje Predstavke zatvorenika Kazneno-popravnog zavoda Zenica, broj: 05/6-50-17-2232/20 od 18.11.2020. godine

U okviru ove tačke dnevnog reda jednoglasno je dogovoreno da se očitovanje o ovoj predstavci odgodi za sljedeću sjednicu Nezavisne komisije.

Ad. 4. Informacija o postupanju po predstavkama pristiglim od Zajedničke komisije za ljudska prava Parlamentarne skupštine BiH

U uvodu u ovu tačku dnevnog reda predsjednik Nezavisne komisije Mile Lasić naglasio je da je u skladu s dogovorom s prošle sjednice pripremljen prijedlog informacije o postupanjima po predstavkama koje je ovom tijelu dostavila Zajednička komisija za ljudska prava Parlamentarne skupštine BiH, te otvorio raspravu. Nakon rasprave u kojoj su učestvovali svi članovi Nezavisne komisije, jednoglasno je, uz određene izmjene i dopune, usvojena Informacija koja će biti dostavljena Zajedničkoj komisiji za ljudska prava Parlamentarne skupštine BiH.

Ad. 5. Informacija Ministarstva pravde BiH, broj: 07-50-8005/20 od 18.11.2020. a zaprimljena u Pisarnici Parlamentarne skupštine BiH 20.11.2020. broj: 05/6-50-15-27-58-6/20

U uvodu u ovu tačku dnevnog reda predsjednik Nezavisne komisije Mile Lasić istakao je da je u skladu s dogovorom s prošle sjednice od Ministarstva pravde BiH zatražena informacija o popunjenosti kapaciteta u Zavodu za izvršenje krivičnih sankcija, pritvora i drugih mjera BiH. Ministarstvo pravde BiH je dopisom broj: 07-50-8005/20 od 18.11.2020. a zaprimljenim u Pisarnici Parlamentarne skupštine BiH 20.11.2020. broj: 05/6-50-15-27-58-6/20 ovom tijelu dostavilo traženu informaciju koja je dostavljena svim članovima Nezavisne komisije te otvorio raspravu. Nakon rasprave članovi Nezavisne komisije su Informaciju primili k znanju i dogovorili da će u sklopu svojih redovnih aktivnosti u narednom periodu posjetiti Zavod za izvršenje krivičnih sankcija, pritvora i drugih mjera BiH.

Ad. 6. Tekuća pitanja:

a) Plan aktivnosti za januar 2021. godine

U okviru ove tačke dnevnog reda članovi Nezavisne komisije dogovorili su da će 11. januara 2021. obaviti posjetu Zavodu za izvršenje krivičnih sankcija, pritvora i drugih mjera obaviti razgovor s rukovodstvom Zavoda.

Također, dogovoreno je da sljedeća sjednica Nezavisne komisije bude održana u Sarajevu, 11. 1. 2021, s početkom u 17 sati.

b) Donošenje Odluke o održavanju online sjednica Nezavisne komisije

U uvodu u ovu tačku dnevnog reda predsjednik Nezavisne komisije Mile Lasić istakao je kako je još uvijek na snazi odluka o proglašenju vanrednog stanja izazvanog pandemijom koronavirusa Covid-19, te da je neophodno, a radi normalnog i nesmetanog održavanja sjednica Nezavisne komisije, donijeti i odluku o održavanju online sjednica, a u skladu s članom 41. stav (1) Poslovnika o radu Nezavisne komisije, te otvorio raspravu. Nakon rasprave članovi Nezavisne komisije jednoglasno su donijeli Odluku o održavanju online sjednica Nezavisne komisije.

Predsjednik Nezavisne komisije Mile Lasić zaključio je sjednicu u 17.30 sati.

SEKRETARKA
NEZAVISNE KOMISIJE

Ivana Lovrić

PREDSJEDNIK
NEZAVISNE KOMISIJE

Dr. sc. Mile Lasić